

• जय श्री राम • जय श्री राम • जय श्री राम • जय श्री राम • जय श्री राम •

# श्री बजरंग बाण

## विधि सहित



जय श्री राम • जय श्री राम • जय श्री राम • जय श्री राम • जय श्री राम • जय श्री राम • जय श्री राम • जय श्री राम • जय श्री राम • जय श्री राम •

• जय श्री राम • जय श्री राम • जय श्री राम • जय श्री राम • जय श्री राम •

• जय श्री राम •

जय श्री राम •

जय श्री राम •

# ॥ श्री बजरंग बाण ॥

## ॥ दोहा ॥

निश्चय प्रेम प्रतीति ते, बिनय करैं सनमान।  
तेहि के कारज सकल शुभ, सिद्ध करैं हनुमान॥

## ॥ चौपाई ॥

जय हनुमंत संत हितकारी । सुन लीजै प्रभु अरज हमारी ॥  
जन के काज विलम्ब न कीजै । आतुर दौरि महा सुख दीजै ॥

जैसे कूदि सिन्धु वहि पारा । सुरसा बद पैठि विस्तारा ॥  
आगे जाई लंकिनी रोका । मारेहु लात गई सुर लोका ॥

जाय विभीषण को सुख दीन्हा । सीता निरखि परम पद लीन्हा ॥बाग उजारी  
सिंधु महं बोरा । अति आतुर यम कातर तोरा ॥

अक्षय कुमार मारि संहारा । लूम लपेट लंक को जारा ॥  
लाह समान लंक जरि गई । जय जय धुनि सुर पुर महं भई ॥

• जय श्री राम •

जय श्री राम •

जय श्री राम •

जय श्री राम

जय श्री राम

जय श्री राम

जय श्री राम

जय श्री राम

जय श्री राम

जय श्री राम

जय श्री राम

• जय श्री राम •

• जय श्री राम •

• जय श्री राम •

जय श्री राम

अब विलम्ब केहि कारण स्वामी । कृपा करहु उर अन्तर्यामी ॥  
जय जय लक्ष्मण प्राण के दाता । आतुर होय दुख हरहु निपाता ॥

जै गिरिधर जै जै सुखसागर । सुर समूह समरथ भटनागर ॥  
ॐ हनु हनु हनु हनु हनुमन्त हठीले । बैरिहिं मारु बज्र की कीले ॥

गदा बज्र लै बैरिहिं मारो । महाराज प्रभु दास उबारो ॥  
ॐ कार हुंकार महाप्रभु धावो । बज्र गदा हनु विलम्ब न लावो ॥

ॐ ह्रीं ह्रीं ह्रीं हनुमंत कपीसा । ॐ हुं हुं हुं हनु अरि उर शीशा ॥  
सत्य होहु हरि शपथ पाय के । रामदूत धरु मारु धाय के ॥

जय जय जय हनुमंत अगाधा । दुःख पावत जन केहि अपराधा ॥  
पूजा जप तप नेम अचारा । नहिं जानत कछु दास तुम्हारा ॥

वन उपवन, मग गिरि गृह माहीं । तुम्हरे बल हम डरपत नाहीं ॥  
पांय परों कर जोरि मनावौं । यहि अवसर अब केहि गोहरावौं ॥

जय अंजनि कुमार बलवन्ता । शंकर सुवन वीर हनुमंता ॥  
बदन कराल काल कुल घालक । राम सहाय सदा प्रति पालक ॥

भूत प्रेत पिशाच निशाचर । अग्नि बेताल काल मारी मर ॥  
इन्हें मारु तोहिं शपथ राम की । राखु नाथ मरजाद नाम की ॥

जनकसुता हरि दास कहावौ । ताकी शपथ विलम्ब न लावो ॥  
जय जय जय धुनि होत अकाशा । सुमिरत होत दुसह दुःख नाशा ॥

चरण शरण कर जोरि मनावौ । यहि अवसर अब केहि गौहरावौं ॥  
उठु उठु चलु तोहिं राम दुहाई । पांय परों कर जोरि मनाई ॥

जय श्री राम

जय श्री राम

जय श्री राम

• जय श्री राम •

• जय श्री राम •

• जय श्री राम •

जय श्री राम

जय श्री राम

जय श्री राम

जय श्री राम

• जय श्री राम •

जय श्री राम •

जय श्री राम •

जय श्री राम

जय श्री राम

जय श्री राम

जय श्री राम

ॐ चं चं चं चं चपल चलंता । ॐ हनु हनु हनु हनु हनुमंता ॥  
ॐ हं हं हांक देत कपि चंचल । ॐ सं सं सहमि पराने खल दल ॥

अपने जन को तुरत उबारो । सुमिरत होय आनन्द हमारो ॥  
यह बजरंग बाण जेहि मारै । ताहि कहो फिर कौन उबारै ॥

पाठ करै बजरंग बाण की । हनुमत रक्षा करै प्राण की ॥  
यह बजरंग बाण जो जापै । तेहि ते भूत प्रेत सब कांपै ॥  
धूप देय अरु जपै हमेशा । ताके तन नहिं रहै कलेशा ॥

## ॥ दोहा ॥

प्रेम प्रतीतहि कपि भजै, सदा धरैं उर ध्यान।  
तेहि के कारज सकल शुभ, सिद्ध करैं हनुमान॥

• जय श्री राम •

जय श्री राम •

जय श्री राम •

जय श्री राम

जय श्री राम

जय श्री राम

जय श्री राम

